

DAVIES, JOHN GWYNORO (1855 - 1935), gweinidog gyda'r Methodistiaid Calфинаidd

Enw: John Gwynoro Davies

Dyddiad geni: 1855

Dyddiad marw: 1935

Priod: Jeannie Mary Davies (née Watkin)

Priod: Mary Davies (née Jones)

Rhiant: Evan Davies

Rhyw: Gwryw

Galwedigaeth: gweinidog gyda'r Methodistiaid Calфинаidd

Maes gweithgaredd: Crefydd

Awdur: William Watkin Davies

Ganwyd 28 Chwefror 1855 yn Llanpumpsaint, mab y Parch. Evan Davies. Cafodd ei addysg yn ysgol y pentref, daeth yn ddisgybl-athro, ac, yn 20 oed, yn brifathro ysgol y Dinas, Rhondda. Cymerai ddiddordeb arbennig mewn dysgu cerddoriaeth yn yr ysgolion.

Penderfynodd fynd i weinidogaeth y Methodistiaid Calфинаidd ac aeth i Goleg y Brifysgol, Aberystwyth, yn 1877, cyn mynd i Goleg y Bala. Cyd-letyai yn Aberystwyth â [\(Syr\) Owen M. Edwards](#), a i cyflwynodd ef i [T. E. Ellis](#) ac a'i cynorthwyodd i gael ei fugeiliaeth gyntaf - yn Llanuwchllyn. Yn 1887 symudodd i fugeilio eglwys Caersalem, Abermaw, lle y bu hyd ei farw, 23 Mawrth 1935.

Yr oedd Gwynoro yn Rhyddfrydwr radicalaidd pybyr ac yn Gymro gwladgarol; yr oedd ei ddiddordeb yn fwy mewn materion cyhoeddus, yn enwedig materion addysgol, nag mewn crefydd enwadol. Bu'n gadeirydd cyngor dinesig Abermaw am 17 mlynedd, ac yr oedd yn aelod o bron bob pwyllgor cyhoeddus yng Nghymru. Ysgrifennodd lawer o erthyglau i'r *Gwyddoniadur Cymreig*, a chyhoeddodd *Flashes from the Welsh pulpit*, cyfrol yr ysgrifennodd [Thomas Charles Edwards](#) ragymadrodd iddi. Priododd (1) Mary, merch [John Jones](#) ('Ivon'), a (2), Jeannie Mary, merch William Watkin, Muriau, Cricieth.

Awdur

William Watkin Davies

Ffynonellau

Adnabyddiaeth bersonol

Gweithiau

John Gwynoro Davies, *Er cof: bywgraffiad o'r diweddar Barch. Lewis Edwards, D.D., Prifathraw Coleg y Methodistiaid Calфинаidd, Bala*

[\(Bala 1887\)](#)

John Gwynoro Davies, *In memoriam: a short biographical sketch of the life of the late Rev. Lewis Edwards, D.D., Principal of the C.M. College, Bala (1887?)*

Dolenni Ychwanegol

VIAF: [103038416](#)

Wikidata: [Q20733430](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

